

ADRODDIAD I'R CABINET
18 CHWEFROR 2014

Aelod Cabinet: CYNGHORYDD PEREDUR JENKINS – AELOD CABINET ADNODDAU

Pwnc: RHAGLEN GYFALAF 2013/14 – 2015/16

Swyddog Cyswllt: DAFYDD L EDWARDS – PENNAETH CYLLID

Y penderfyniad a geisir / Pwrpas yr adroddiad

Derbyn yr adroddiad ar adolygiad diwedd y trydydd chwarter (sefyllfa 31 Rhagfyr 2013) o'r rhaglen gyfalaf, a chymeradwyo'r ariannu addasedig a gyflwynir yn rhan 2.2 – 2.8 o'r adroddiad.

Cyflwyniad / Crynodeb

Prif ddiben yr adroddiad yw cyflwyno'r rhaglen ddiwygiedig a chymeradwyo'r ffynonellau ariannu perthnasol. Mae'r adroddiad mewn 4 rhan:

Rhan 1: Dadansoddiad fesul Adran o'r rhaglen gyfalaf £114m am y 3 blynedd 2013/14 – 2015/16.

Rhan 2: Eglurhad o ffynonellau ariannu'r gostyngiad net oddeutu £7.464m ers yr adolygiad diwethaf.

Y Cabinet sydd wedi'i awdurdodi i addasu'r rhaglen gyfalaf, felly ym mharagraff 2.9 gofynnir am gymeradwyaeth i'r rhaglen (rhan 1) a'i ariannu (rhan 2).

Mae gweddill yr adroddiad er gwybodaeth:

Rhan 3: Symudiadau o 2013/14 i 2014/15.

Rhan 4: Gwariant 9 mis cyntaf 2013/14.

Prif Gasgliadau:

Gwelir yn Rhan 1 fod gwerth y rhaglen gyfalaf eleni tua £47m, a chyfanswm y rhaglen tair blynedd gyfredol tua £114m, sy'n gyflawniad sylweddol gan y Cyngor yn yr hinsawdd ariannol bresennol.

Yn dechnegol, gofynnir am gymeradwyaeth i:

- ostyngiad o £7.5m yn y rhaglen tair blynedd (noder fod hyn yn bennaf oherwydd bod dau brif gynllun ysgolion wedi symud tu allan i ffenest yr adroddiad yma, ac nid gwir ostyngiad yn y rhaglen hir-dymor),
- ail-broffilio gwariant o £6.4m o 2013/14 i 2014/15,

Ni fydd yr uchod yn golygu unrhyw golled mewn grant.

Mae'r lefel gwariant ar ddiwedd Rhagfyr eleni (2013/14) o'i gymharu â'r un cyfnod (9 mis) y llynedd yn weddol gyson, sef 58% a 59% yn ôl eu trefn.

Rhesymau dros argymell y penderfyniad

Rhaid sicrhau trefniadau ariannu priodol ar gyfer cynlluniau'r Cyngor i wario cyfalaf, a rhaid i'r Cabinet gymeradwyo'r rhaglen gyfalaf a'r ffynonellau ariannu.

Mater o drefn yw ymgorffori ariannu trwy grant, ond hefyd mae angen delio gyda sefyllfaoedd lle bu newid rhwng blynyddoedd mewn proffil gwario a gwerth cyfraniadau a derbyniadau cyfalaf.

Argymhellir yma gamau er mwyn sicrhau ffynonellau ariannu pendant am gynlluniau cyfalaf 2013/14 - 2015/16.

Ystyriaethau perthnasol

Materion technegol ynghylch ariannu'r cynlluniau sydd gerbron ac mae ymhlygiadau a dadleuon eisoes wedi'u cyfarch wrth fabwysiadu'r cynlluniau cyfalaf unigol.

Adroddir ar oedi gyda rhai cynlluniau penodol (rhan 3), a gallasai'r Pwyllgor Craffu perthnasol ddewis asesu effaith yr ail-broffilio ar wasanaethau sydd wedi ymdopi'n hirach gyda'r "hen" asedau.

Camau nesaf ac amserlen

Gweithredu ar yr argymhellion i ariannu'r rhaglen fel bydd modd cyflawni'r prosiectau cyfalaf, ac adrodd ar sefyllfa ddiwedd y flwyddyn i gyfarfod perthnasol y Cabinet ym mis Mehefin 2014.

Barn yr aelod lleol

Dim yn berthnasol.

Barn y swyddogion statudol

Y Prif Weithredwr:

Rwy'n nodi'r lefel o wariant ar y gyllideb gyfalaf ar derfyn Chwarter 3, sef 58% a hefyd nad yw'r ail-broffilio yn debygol o achosi unrhyw golled grant. Fodd bynnag, fel y mae'r adroddiad yn nodi, mae goblygiadau gwasanaeth i'r ffaith bod amserlen rhai o'r cynlluniau hynny wedi newid. Gallai hynny fod yn destun gwaith craffu maes o law.

Y Swyddog Monitro:

Dim i'w ychwanegu o ran priodoldeb.

Y Pennaeth Cyllid:

Rwyf wedi cydweithio gyda'r Aelod Cabinet i baratoi'r adroddiad yma ac yn cadarnhau'r cynnwys.

Atodiadau

Dim

1 RHAGLEN GYFALAF 2013/14 i 2015/16

1.1 Gweler isod gymhariaeth o'r rhaglen gyfalaf hyd at ddiwedd Rhagfyr yn erbyn y sefyllfa diwedd Medi:

CYMHARIAETH RHWNG YR AIL CHWARTER A'R TRYDYDD CHWARTER

	ADOLYGIAD DIWEDD MEDI				ADOLYGIAD DIWEDD RHAGFYR				CYNNYDD / (LLEIHAD) ERS Y CHWARTER DIWETHAF
	2013/14	2014/15	2015/16	CYFANSWM	2013/14	2014/15	2015/16	CYFANSWM	
ADRAN	£'000	£'000	£'000	£'000	£'000	£'000	£'000	£'000	£'000
Adnoddau Dynol	45	459	0	504	45	459	0	504	0
Addysg	9,570	7,030	23,937	40,537	9,048	6,596	17,044	32,688	(7,849)
Cyllid	0	59	0	59	38	59	0	97	38
Democratiaeth a Chyfreithiol	0	0	0	0	0	0	0	0	0
Economi a Chymuned	5,796	6,622	100	12,518	5,216	7,253	100	12,569	51
Gofal Cwsmer – Eiddo	8,957	5,442	3,097	17,496	7,686	6,346	3,098	17,130	(366)
Gofal Cwsmer – Eraill	747	1,380	797	2,924	380	1,747	797	2,924	0
Gwasanaethau Cymdeithasol, Tai a Hamdden	3,324	2,406	2,000	7,730	3,513	2,679	2,000	8,192	462
Priffyrdd a Bwrdeistrefol	8,989	6,753	2,603	18,345	8,017	7,477	2,053	17,547	(798)
Rheoleiddio	11,676	8,474	161	20,311	12,165	8,406	161	20,732	421
Strategol a Gwella	0	0	0	0	14	0	0	14	14
Tai Cyngor (Gweddillol)	32	0	0	32	24	8	0	32	0
Ymgynghoriaeth	29	16	18	63	592	16	18	626	563
Corfforaethol	0	276	382	658	0	276	382	658	0
CYFANSWM	49,165	38,917	33,095	121,177	46,738	41,322	25,653	113,713	(7,464)

2 NEWIDIADAU I'R FFYNONELLAU ARIANNU

2.1 Mae gostyngiad net o £7.464m yn y gyllideb ar gyfer y rhaglen gyfalaf tair blynedd ers y sefyllfa ail chwarter. Nodir isod y ffynonellau ariannu arfaethedig ar gyfer hyn:

FFYNHONNELL ARIANNU	ADOLYGIAD DIWEDD MEDI			ADOLYGIAD DIWEDD RHAGFYR			CYNNYDD/ (LLEIHAD) £000
	2013/14	2014/15	2015/16	2013/14	2014/15	2015/16	
	£'000	£'000	£000	£'000	£'000	£000	
Benthycy gyda chefnogaeth	4,166	4,166	4,166	4,166	4,166	4,166	0
Benthycy heb gefnogaeth	6,051	5,355	11,547	5,989	6,759	5,561	(4,644)
Grantiau a Chyfraniadau	23,124	20,698	11,103	23,840	19,139	10,197	(1,749)
Derbyniadau Cyfalaf	1,526	1,291	1,680	1,337	1,759	1,680	279
Refeniw Adrannol a Chorfforaethol	4,704	722	3,160	4,588	863	2,610	(525)
Cronfa Cyfalaf	4,943	4,411	52	2,884	5,388	52	(1,082)
Cronfeydd Adnewyddu ac Eraill	4,651	2,274	1,387	3,934	3,248	1,387	257
CYFANSWM	49,165	38,917	33,095	46,738	41,322	25,653	(7,464)
CYFANSWM 3 MLYNEDD			121,177			113,713	

2.2 Benthycy Heb Gefnogaeth / Grantiau a Chyfraniadau - Cynlluniau Ysgolion - 'Canrif 21' (Adran Addysg)

Yn dilyn trafodaethau diweddar fe ail raglennwyd yr ariannu fel y gwelir yn y tabl isod ar gyfer rhai o'r cynlluniau Canrif 21 eto ers yr adolygiad ail chwarter sef yn bennaf-

'Canrif 21' – rhaglen ysgolion yr unfed ganrif ar hugain

- Ysgol O.M.Edwards, Llanuwchllyn ac Ysgolion ardal Bala - mae trafodaethau wedi ail-gychwyn gydag Aelodau'r dalgylch yma. Mae'r Llywodraeth wedi gosod rhai amodau ynghlwm wrth geisiadau'r rhaglen ac mae'r gwaith o gyfarch rhai o'r amodau hynny angen ei wneud cyn y gellid mynd ymlaen efo'r gwaith. Bydd adroddiad yn cael ei gyflwyno mis nesaf i'r Cabinet i egluro'r gwaith angenrheidiol ac i osod rhaglen waith amlinellol.
- Ysgolion ardal Dolgellau - cyflwynwyd adroddiad i'r Cabinet (Rhagfyr 2013) yn egluro fod newid cyfeiriad yn y gwaith a gwnaed penderfyniad yn y cyfarfod hwnnw i geisio cynllun ar gyfer y dalgylch cyfan. Yn dilyn o'r penderfyniad yma roedd angen ail edrych ar amseriad y gwariant ar y cynllun yma.

Felly, bu ail-broffilio, sydd wedi cael effaith ar amseriad y buddsoddiad angenrheidiol gan y Cyngor, a ariennir yn bennaf drwy fenthyciad heb gefnogaeth. Bu effaith hefyd ar amseriad y grant gan y Llywodraeth. Noder mai effaith 3 mlynedd yn unig a welir yma, sef oes y rhaglen gyfalaf cyfredol, ond bydd y cynlluniau yma'n parhau i'r flwyddyn ariannol 2018/19. Gweler y tabl isod am grynodedb o'r addasiadau i'r sefyllfa ariannu gyfredol fel yn berthnasol i'r Cynlluniau Ysgolion:

FFYNHONNELL ARIANNU	2013/14	2014/15	2015/16	CYFANSWM 3 MLYNEDD	2016/17	2017/18	2018/19	CYFANSWM
	£'000	£'000	£'000	£'000	£'000	£'000	£'000	£'000
Benthyca heb gefnogaeth	22	1,378	(5,985)	(4,585)	3,015	1,382	188	0
Grantiau a Chyfraniadau	0	(1,642)	(906)	(2,548)	1,368	1,180	0	0
CYFANSWM	22	(264)	(6,891)	(7,133)	4,383	2,562	188	0

Mae'r cynlluniau yma yn amodol ar gymeradwyaeth o'u hachosion busnes manwl, ac felly yn parhau gydag elfen o risg ariannol. Fodd bynnag, gan fod y Llywodraeth yn awyddus i'r Cyngor gydnabod ein hymrwymiad ariannol i'r cynlluniau, rydym wedi cynnwys ariannu'r cynlluniau yn y rhaglen gyfalaf sy'n rhan 1 uchod. Pe byddai'r cynlluniau busnes yma yn methu am ryw reswm, byddai angen tynnu'r ariannu cyfatebol allan o'r rhaglen, ac ystyried y sefyllfa ymhellach.

2.3 Benthyca Heb Gefnogaeth (gweddill y cynlluniau)

Yn ychwanegol i'r addasiad a nodwyd yn 2.2 uchod mae yna leihad o £59,000 yn y dull yma o ariannu, yn bennaf oherwydd bod cynlluniau adeiladau dros dro Ysgolion wedi eu cyflawni yn fwy effeithlon na'r disgwyl yn ystod y cyfnod yma o'r rhaglen.

2.4 Grantiau a Chyfraniadau (gweddill y cynlluniau)

Yn ychwanegol i'r addasiad a nodwyd yn 2.2 uchod mae yna gynnydd net o £799,000 yn y dull yma o ariannu yn bennaf oherwydd:

- **Cynllun Traenio Tir - Ffridd Elin, Bermo (Adran Ymgynghoriaeth) - £330,000 yn 2013/14**
Derbyniwyd cyfraniad o £250,000 gan Dwr Cymru a £80,000 gan drigolion y stad dai perthnasol ar gyfer gwaith carffosiaeth angenrheidiol (gweler hefyd 2.8 isod).
- **Cynlluniau Grantiau Tai Cyffredinol (Adran Gwasanaethau Cymdeithasol, Tai a Hamdden) - £180,570 yn 2013/14**
Fe ariannir gorwariant o £180,570 ar grantiau tai drwy dderbyniad o grant Môn Menai o £125,000 gan y Llywodraeth i'w wario ar gynlluniau tai gwag, ynghyd a derbyniadau/cyfraniadau trigolion o £55,570 (gweler hefyd 2.5 isod).
- **Cynllun i addasu adeilad Seiont II (sef yr hen amgueddfa forwrol), Doc Fictoria (Adran Economi a Chymuned) - £40,000 yn 2013/14**
Derbyniwyd grant Môn Menai o £40,000 gan Lywodraeth Cymru ar gyfer addasiadau i adeilad Seiont II, Doc Fictoria i ddarparu cyfleusterau gwell i'r marina (gweler hefyd gyfraniad o gronfeydd yn 2.8 isod).

2.5 Derbyniadau Cyfalaf

Cynnydd net o £279,000 yn y dull yma o ariannu, yn bennaf oherwydd cynlluniau Grantiau Tai Cyffredinol (Adran Gwasanaethau Cymdeithasol, Tai a Hamdden), sef £281,500 yn 2013/14. Rhagwelir gwariant ychwanegol ar y cynlluniau yma oherwydd y nifer a natur rhai o'r cyfeiriadau am grantiau anabl gan therapyddion galwedigaethol, a hefyd fe welwyd cynnydd yn y nifer o gynlluniau unigol o fewn y pecyn gwaith Ardal Adnewyddu Blaenau Ffestiniog. Mae gan yr Adran falans o £277,410 o dderbyniadau cyfalaf hanesyddol y gellir eu defnyddio ar gyfer ariannu'r gwariant ychwanegol yma, a disgwylir derbyniadau cyfalaf pellach yn ystod y flwyddyn ariannol gyfredol i ariannu'r gweddill.

Yn unol â'r Rheolau Gweithdrefn Ariannol mae'r Adran angen caniatâd y Cabinet ar gyfer defnydd o dderbyniadau cyfalaf lle bo'r swm dros £50,000 (a gynhwysir fel rhan o'r argymhelliad cyffredinol o fewn 2.9 isod).

Noder hefyd, fod y Cynllun Rheoli Asedau yn ymrwmo'r Cyngor i ariannu elfen o'r rhaglen gyfalaf drwy ddefnydd o dderbyniadau cyfalaf corfforaethol. Erbyn hyn, mae rhywfaint o bryder parthed argaeledd y derbyniadau cyfalaf disgwylidig, oherwydd cyflwr y farchnad eiddo yn gyffredinol. Hyd yma, mae ansicrwydd ynglŷn â gallu'r Cyngor i gyflawni hyd at £500,000 o dderbyniadau cyfalaf, ac mi fydd angen cymryd hyn i ystyriaeth wrth adolygu'r Cynllun Rheoli Asedau deg mlynedd.

2.6 Refeniw Adrannol a Chorfforaethol

Lleihad net o £525,000 yn y dull yma o ariannu, yn bennaf oherwydd -

- **Cynlluniau Gwastraff – datblygu celloedd Ffridd Rasus (Adran Priffyrdd a Bwrdeistrefol) – (£358,000) yn 2013/14 a (£550,000) yn 2015/16**
Lleihad o £908,000 yn y defnydd o refeniw corfforaethol i ariannu datblygiadau celloedd gwastraff oherwydd achos busnes newydd ar gyfer Ffridd Rasus. Ni fyddwn bellach yn datblygu celloedd newydd, ond mae defnydd yr arian yma yn rhan o'r achos busnes ac felly ddim ar gael i'r Cyngor.
- **Cynllun Grant Trafnidiaeth (Adran Rheoleiddio) – £208,580 yn 2013/14**
Bu costau ar y cynlluniau yma oherwydd taliadau iawndal am bryniant tir. Mae rhaid i'r Adran ei ariannu drwy gyfraniad o refeniw dros dro oherwydd methiant i werthu eiddo perthnasol (a fyddai wedi creu derbyniadau cyfalaf i'r perwyl).
- **Cynlluniau Gwledig – difrod llifogydd (Adran Rheoleiddio) - £60,000 yn 2013/14**
Cyfraniad o danwariant refeniw'r Adran Rheoleiddio i gynorthwyo gyda'r gwaith i adfer y difrod llifogydd ers Tachwedd 2012 ar lonydd las.

2.7 Cronfa Cyfalaf

Lleihad o £1,082,000 yn y dull yma o ariannu, yn bennaf oherwydd

- **Cynllun i adeiladu Dwy Uned yn lle Ysgol Coed Menai (Adran Addysg) – (£200,000) 2013/14 a (£600,000) yn 2014/15**
Mae'r cynllun yma wedi newid ac felly nid oes angen yr ariannu uchod bellach. Roedd y cynllun gwreiddiol hefyd yn cynnwys derbyniadau cyfalaf o £1,515,000 sydd bellach hefyd wedi eu hail ystyried ac angen eu lleihau i £500,000, ond ddim tan ar ôl 2015/16. Mi fydd hyn yn cael ei ystyried wrth adolygu'r Cynllun Rheoli Asedau.
- **Cynllun Canolfan Sgiliau Galwedigaethol a chynllun Canolfan Sgiliau Ynni Dolgellau (Adran Economi a Chymuned) – (£250,000) yn 2013/14**
Gan fod y cynllun yma wedi ei addasu ac wedi ei ariannu yn uniongyrchol gan grantiau allanol, bellach nid oes angen cyfraniad gan y Cyngor.

2.8 Cronfeydd Adnewyddu ac Eraill

Cynnydd net o £257,000 yn y dull yma o ariannu, yn bennaf oherwydd y cynlluniau canlynol:

- **Cynllun Traenio Tir - Ffridd Elin, Bermo (Adran Ymgynghoriaeth) - £232,650 yn 2013/14**
Defnydd o ddarpariaeth y Cyngor i'r pwrpas yma (gweler hefyd 2.4 uchod).

- **Addasiadau swyddfeydd i ail-leoli staff yn sgil cynllun Oriol Gwynedd (Adran Economi a Chymuned) - £180,000 yn 2013/14**
Defnydd o gronfa gyfredol ar gyfer y gwaith perthnasol i adleoli staff yn sgil cynllun Oriol Gwynedd ym Mangor.
- **Cynllun i addasu adeilad Seiont II (sef yr hen amgueddfa forwrol), Doc Victoria (Adran Economi a Chymuned) - £60,000 yn 2013/14 + £1,000 yn 2014/15**
Defnydd o gronfa Gwella Tref £41,000 a chronfa'r Adran Economi a Chymuned £20,000 (gweler hefyd gyfraniad grant yn 2.4 uchod).
- **Cynlluniau Rheoli Carbon (Adran Gofal Cwsmer - Uned Eiddo) – (£304,680) yn 2013/14**
Lleihad yn y defnydd o Gronfa sydd yn gysylltiedig â Rheoli Carbon oherwydd bod y rhagolygon gwariant erbyn hyn wedi lleihau o'r amcan gwreiddiol.

2.9 Argymhelliad

Gofynnir i'r Cabinet dderbyn y rhaglen gyfalaf diwygiedig ar gyfer 2013/14 i 2015/16 a chymeradwyo'r ffynonellau ariannu perthnasol (para. 2.2 i 2.8 uchod).

3 PROFFILIAU GWARIANT BLYNYDDOL

- 3.1** Cyfanswm lefel yr ail-broffilio yn y rhaglen gyfalaf o 2013/14 i 2014/15 hyd yma yw £6,375,100. Mae'r ffigyrau yn rhan 1 o'r adroddiad yn adlewyrchu hyn, gyda'r prif eitemau fel a ganlyn –

Cynlluniau wedi'u hariannu o adnoddau'r Cyngor:-

- Cynlluniau Rheoli Carbon (Adran Gofal Cwsmer – Uned Eiddo) £798,940
- Ysgol Brynrefail – cynllun i ddileu 6 o ddosbarthiadau symudol (Adran Addysg) £526,700
- Cynlluniau Cynnal a Chadw Adeiladau'r Cyngor (Adran Gofal Cwsmer – Uned Eiddo) £400,000
- Cynllun Blaendal Morgais (Adran Gwasanaethau Cymdeithasol, Tai a Hamdden) £300,000
- Unedau dros dro mewn ysgolion (Adran Addysg/Adran Gofal Cwsmer - Eiddo) £289,000
- Prosiect 'VOIP' (voice over internet protocol) (Adran Gofal Cwsmer – Eraill) £287,090
- Cynlluniau Asbestos a Thân (Adran Gofal Cwsmer - Uned Eiddo) £200,000
- Cynllun i ddiogelu a dymchwel Pier Trefor (Adran Economi a Chymuned) £160,000
- Gwelliannau Traffig oddi allan i Ysgolion (Adran Rheoleiddio) £130,310

Cynlluniau wedi'u hariannu (yn rhannol) drwy grantiau penodol:-

- Academi Hwyllo Pwllheli (Adran Economi a Chymuned) £1,817,800
- Cynlluniau "Ein Treftadaeth" (Adran Economi a Chymuned) £395,050

- 3.2** Ni fydd yr ail-broffilio uchod yn golygu unrhyw golled mewn grant.

- 3.3** Mae amrywiol resymau dilys tu ôl i'r ail-broffilio mewn sawl achos, ond gall yr oedi cyn gweithredu'r cynlluniau yma olygu bod defnyddwyr gwasanaethau yn ymdopi'n hirach gyda'r asedau cyfredol heb eu gwella.

4 GWARIANT CYFALAF 9 MIS CYNTAF 2013/14

- 4.1 Mae'r tabl isod yn dadansoddi sefyllfa gwir wariant cyfalaf adrannau'r Cyngor ar ddiwedd y trydydd chwarter (9 mis), gyferbyn â'r rhaglen gyfalaf diwygiedig ar gyfer 2013/14 (blwyddyn gyfan) -

CRYNODEB	RHAGLEN GYFALAF BLWYDDYN LLAWN (adolygwyd Rhagfyr) 2013/14 £'000	GWIR WARIANT Y 9 MIS HYD AT 31/12/2013 £'000
Adnoddau Dynol	45	12
Addysg	9,048	6,629
Cyllid	38	0
Democratiaeth a Chyfreithiol	0	0
Economi a Chymuned	5,216	1,487
Gofal Cwsmer – Eiddo	7,686	6,510
Gofal Cwsmer – Eraill	380	157
Gwasanaethau Cymdeithasol, Tai a Hamdden	3,513	2,585
Priffyrdd a Bwrdeistrefol	8,017	5,444
Rheoleiddio	12,165	4,303
Strategol a Gwella	14	14
Tai Cyngor	24	4
Ymgynghoriaeth	592	56
Corfforaethol	0	0
CYFANSWM	46,738	27,201

Mae rhai adrannau yn ymddangos i fod yn gwario llai na'r disgwyl o'r gyllideb flynyddol hyd yma. Fel adroddwyd yn Chwarter 2, mae'r adrannau Economi a Chymuned (yn bennaf oherwydd oedi gyda'r cynllun Academi Hwyllo ym Mhwlheli) a Rheoleiddio (yn bennaf oherwydd proffil gwariant Pont Briwet) yn hyderus y byddent yn gwario yn unol â'r rhaglen erbyn diwedd y flwyddyn.

- 4.2 Mae dros £27.2m wedi ei wario yn ystod y naw mis cyntaf, sef 58% o'r gyllideb.

CRYNODEB	ADOLYGIAD DIWEDD RHAGFYR 2013/14	ADOLYGIAD DIWEDD RHAGFYR 2012/13	CYNNYDD/ (LLEIHAD)
Cyllideb Blwyddyn Gyfan	£46.7miliwn	£40.9miliwn	£5.8miliwn
Gwariant y 6 mis cyntaf	£27.2miliwn	£24.2miliwn	£3.0miliwn
Gwariant fel canran o'r gyllideb	58%	59%	(1%)

- 4.3 Er gwaethaf yr ail broffilio, mae'r gyfran sydd wedi'i wario eleni yn lled gyson gyda'r gyfran gyfatebol llynedd.